



**UDALBATZAK 2007KO MAIATZAREN 18AN EGINIKO EZOHIKO OSOKO BILKURARI DAGOKION
AKTA**

Errenteriako Udaletxean, bi mila zazpiko maiatzaren hemezortziko 08:30 zirela, lehenengo deialdian eta Juan Carlos MERINO GONZÁLEZ alkate jaunaren (Socialistas Vascos-Euskal Sozialistak) esanetara, ondorengo zinegotziak elkartu dira:

- Joaquin ACOSTA PACHECO
- Jose Miguel GOLMAYO GAUNA
- Joseba Iñaki URIBE BURGOA
- Gema INSAUSTI MERINO
- Jose Angel SANCHEZ GALLARDO
- Joseba ECHARTE MARTÍN
- Silvia ASTORGA MARTINEZ
- Jesús OFICIALDEGUI RUIZ
- Jose Angel RODRIGUEZ MEDINA
- Luis María OIARBIDE ARIZMENDI
- Mikel CARCEDO MITXELENA
- Juan Ignacio MENDEZ BEGUE
- Maite PEÑA LOPEZ
- Mikel ARRETXE GUTIERREZ
- Jon Ugutz ORMAETXEA BERROETA
- Lucia PERALTA RODRIGUEZ
- M^a Angeles BASTOS FERNANDEZ
- Elias MAESTRO RUIZ
- Jose Cruz LEGORBURU AYESTARAN

Ez da etorri Jose Mari BURGOS VIÑARAS jauna (EA), baina gaixo dagoelako ezinetorria adierazi du.

Era berean, bertan dago udal kontu-hartzaile Jose M. ARENZANA GARCIA jauna, Gai Zerrendako bigarren puntuan amaitzerakoan alde egin duena.

Bertan dago ere, egintzaz fede emateko, Francisco Javier LESCA EZPELETA jaun idazkaria.

1. Birjartze-errekurtsua Aurrekontuaren behin-betiko onespeneraren aurka.

Udalbatzak, 2007ko urtarrilaren 26an eginiko osoko bilkuran, behin-betiko onespenera eman zion 2007ko Aurrekontuari.



Behin-betiko onespeneraren aurka birjartze-errekurtsua aurkeztu zuten 2007ko martxoaren 7an, sarrera-erregistroa 3.525 zk.a duena.

Errekurtsu hori sinatzen dutenen artean hainbat elkarte edo sindikatu ordezkatzan duela adierazten duenik badago, zeinei ordezkaritza hori egiazta dezaten eskatu baitzaie.

Erreklamazio horiek aztertu ditu udal kontu-hartzaileak 2007ko urtarrilaren 16an eginiko txostenean adierazten denez. Txostenean, abenduaren 19ko 21/2003 Foru Arauaren 17.2 artikuluan -Gipuzkoa Lurralde Historikoko Toki Erakundeen Aurrekontuena- aurreikusitako kasu bakar bati ere eragiten ez dioenez, atzera botatzeko proposamena egiten du.

Ogasuna batzordearen proposamena ikusitakoan.

Mintzatu da:

* Oiarbide jaunak (EA) adierazi duenez, Aurrekontu hauek jendaurrean egon ziren garaian eginiko alegazioak mahaigaineratu zirenen bezala, orain ere, abstenitu egingo dira euren jarrerari eusteko. Bidenabar alkateari galdetzen dio ea zergatik ez den egin eledunen batzordea osoko bilkura egin aurretik. Bere ustez, legegintzaldi honetan gertatu den lehenengo aldia da.

* Merino jaun alkateak (Socialistas Vascos-Euskal Sozialistak) erantzun du esanez duela hiruzpalau egun Eledunen Batzordea egin zutela. Hainbat gairen artean ezohiko osoko bilkura egingo zela aitatu zen bertan, eta ondorioz, ez zuen ikusten zer eztabaidatu zezaketen. Berak Gai Zerrendak bidali besterik ez zuen egin eta barkamena eskatzen du norbaitek dei hori egitea espero bazuen.

Mintzaldiak amaitutakoan.

Udalbatzak, gehiengoz, aldeko hamabi botorekin (Socialistas Vascos Euskal Sozialistak, IU-EB) eta zortzi abstentzioz (PNV, EA, PP),

E R A B A K I D U

1. Atzera botatzea Eneritz Gurrutxaga eta hainbat lagunek 2007ko Aurrekontuaren behin-betiko onespeneraren aurka jarritako birjartze-errekurtsua, hain zuzen ez delako egokitzen abenduaren 19ko 21/2003 Foru Arauaren 17.2 artikuluan jasotako arrazoiei, Gipuzkoako Lurralde Historikoko Toki-erakundeen Aurrekontuena.



2. Ordezkaritza egiaztatu ez dutenez, atzera egin dutela jotzea ondorengo lagun hauek:

- Amaia Orgilles Bengoetxea jaunak, ELAren izenean.
- Oskar Murua Roma jaunak, LAB-en izenean.
- Natali Pélag andreak, Zutik-en izenean.
- Oroitz Gurrutxaga Gogorza jaunak, Kalegorriaren izenean.
- Araitx Mendibil Mendia andreak, Bilgune Feministaren izenean.

2. Kredituak eskualdatuz 3/07 zk.ko kreditu-aldaketa.

Kredituak aldatzeko espedientea ikusi dute, Udal honetako Aurrekontuaren gastuen partiden artean transferentziak eginez bideratzen ari dena.

Ogasuneko delegatuak eginiko proposamena aztertu dute, baita gai honen inguruko txostenak, ziurtagiriak eta gainontzeko jarduerak ere. Eta kontuan izanik adierazitako aldaketak lagunduko duela Aurrekontuaren garapena bizkortzen eta espediente horren bideraketa indarrean dagoen legeriaren arabera dela.

Ogasuna Batzordearen proposamena ikusitakoan.

Mintzatu dira:

* Merino alkate jaunak (Socialistas Vascos-Euskal Sozialistak) jakinarazi du gai baten barruan bi partida daudela sartuta Udaltzaingoko leku berriaren osaketa honetan. Horrela, lehentasuna emango zaie ekipamendukontuei eta gerorako utziko dute beste ekintza.

* Peña andrearen (EAJ/PNV) iritziz, kontu honetan aurreikuspen falta dago, izan ere, duela lau hile onartu zuten Aurrekontua eta orain kreditu-aldaketa egiten baitute obra bererako. Ondorioz, bozkatzeko garaian abstenituko direla, esan du.

* Oiarbide jaunak (EA), Peña andreak adierazitakoen ildo beretik, eurek ere abstenituko direla, esan du.

* Merino jaun alkateak (Socialistas Vascos-Eusko Sozialistak) jakinarazi du Aurrekontua egiteko garaian zenbatespen bat egiten dela. Eta ekipamenduz hitz egiteko garaian zaila dela xuxen zehaztea (aulkiak, ordenagailuak...), eta horri aurreikuspen falta deitzen bazaio, ba, berak onartzen du.



Mintzaldiak amaitutakoan.

Udalbatzak, gehiengoz, aldeko hamabi botorekin (Socialistas Vascos-Eusko Sozialistak, EB-IU) eta zortzi abstentzios (PNV, EA, PP),

E R A B A K I D U

1. Onartzea 26.105'00 €-ko aurrekontu-aldaketa (3/07 zk.koa), hots, aurrekontu horretan gastuen partidetan kantitate berdineko kredituak gehituz (alta emanez) eta kredituak transferituz (baja emanez) egingo dena.

2. Kreditu-aldaketa hau behin betikotasunez onartuta geratuko da jendaurrean egon beharreko 15 laneguneko epean inork ez badu, abenduaren 19ko 21/2003 Foru Arauaren 15. artikuluan xedatzen duen eran, erreklamaziorik egiten.

3. Hainbat udal instalakuntzei nabarmendu diren kirolarien izenak jartzea.

Merino jaun alkatearen proposamenez eta Lehendakaritza eta Barne-antolaketa batzordearen 2007ko maiatzaren 14ko aldeko irizpenarekin, Udalbatzak, aho batez,

E R A B A K I D U

Onartzea Udal honetako Eledunen Batzordearen bileratan, aho batez, herriko udal instalakuntzei herrian nabarmendu diren kirolarien izenak ipintzeko proposamena.

Hau da, Galtzarabordako Udal Kiroldegiko igerilekuari "Sara Carracelas" jartzea, eta Beraungo Estadioko atletismo-pistari, berriz, "Mikel Odriozola".

4. Plan Orokorren barruko 2. aldaketari behin-betiko onespina ematea ondorengo E.U. dagokionean: 14/12ri: Miguel Alduntzin kaleko 1, 2, 3, 4 eta 6; 14/15eri: Pablo Iglesias etorbideko 13 - R.M. Azkue kaleko 14; 14/16ri: Pablo Iglesias etorbideko 15 - R.M. Azkue kaleko 16 eta 22 Areari: Agustinak.

Udalbatzak, 2007ko otsailaren 23an eginiko osoko bilkuran, behin-behineko onespina eman zion ***Plan Orokorren 2. Barruko Aldaketari, hau da: 14/12 J.U.ri: Miguel Alduntzin kaleko 1,2,3,4 eta 6; 14/15 J.U.ri: Pablo***



Iglesias etorbidea, 13 - R.M. Azkue kaleko 14; 14/16 J.U.ri: Pablo Iglesias etorbidea 15 - R.M. Azkue 16 eta 22 Areari: Agustinak, beti ere Udal Bulego Teknikoak 2006ko abuztuaren idatzitako dokumentuaren arabera. Era berean, erabaki zuen espedientea Lurralde-antolaketa eta Ingurumen Silera bidaltzea behin-betiko onespina eman aurretik egin beharreko txostena egin dezaten.

2007ko maiatzaren 9an, Gipuzkoako Hirigintza Plangintza Sailak Euskal Erkidegoko Lurralde-antolaketa Batzordeak 2007ko maiatzaren 3an hartutako akordioa bidali zuen, Kultur Ondareko zuzendariaren txostenarekin batera. Txosten hori, loturari dagokionez, aldekoa da eta baldintza bat ipintzen du Hirutasun Guztiz Satuaren Komentuan (Agustinak) ustezko arkeologia-gunea badagoela adieraziz. Gainera, plano batean gune hori zein den ezagutzera eman eta mugak zehazten ditu, baita 7/1990 Legearen 49. artikulua ematen dion babesa aipatu ere, Euskal Kultur Ondarearena.

Udal Bulego Teknikoak, 2007ko maiatzan, **"Euskal Erkidegoko Lurralde Antolaketa batzordeak 2007 maiatzaren 3an erabakitakoa osatzen duen dokumentua"** egin zuen, non Hirutasun Guztiz Santuaren (Agustinak) Komentuaren ustezko arkeologia-gunea egon daitekeela adierazten baita memoria eta plano batean.

2007ko maiatzaren 9an, udal bulegoko teknikari Enrique Pontek, udal lege-aholkulari Vicente Castiellak eta idazkari nagusi Francisco Javier Lesca jaunek dokumentuari behin-betiko onespina ematearen aldeko txosten bateratua egin dute.

Hirigintza Batzordearen proposamena ikusitakoan.

Mintzatu dira:

* Oiarbide jaunak (EA) adierazi du, gai hau osoko bilkuran eztabaidatu zutenean -behin-behineko onespina emateko- esan zuten moduan, bera Hirigintzako delegatu gisa sinatu behar izan zuen akordioan izandako jarrerarekin bat egiten dute, eta horregatik, lehengoari eutsiko diote.

Mintzaldiak amaitutakoan.

Udalbatzak, gehiengoz, aldeko 17 botorekin (Socialistas-Vascos Euskal Sozialistak, IU-EB, PP, PNV), Udalbatzaren gehiengo osoa, eta aurkako hiru botorekin (EA),

E R A B A K I D U



1. Behin-betiko onespina ematea Plan Orokorren 2. Barruko Aldaketari. Hua da: 14/12 J.U.ri: Miguel Alduntzin kaleko 1,2,3,4 eta 6; 14/15 J.U.ri: Pablo Iglesias etorbidea, 13 - R.M. Azkue kaleko 14; 14/16 J.U.ri: Pablo Iglesias etorbidea 15 - R.M. Azkue 16 eta 22 Areari: **Agustinak**, beti ere Udal Bulego Teknikoak 2006ko abuztuan idatzitako dokumentuaren arabera, eta halaber **"Euskal Erkidegoko Lurralde Antolaketako batzordeak 2007 maiatzaren 3an erabakitakoa osatzen duena"**ri, Udal Bulego Teknikoak 2007ko maiatzan idatzia.

2. Erabakiaren **berri ematea** interesdunei.

3. **Argitara eman aurretik**, plan bereziaren ale bat (ohiko euskarri magnetikoan) **bidaltzea** Gipuzkoako Foru Aldundira, hain zuzen, honek Erregistroan gorde dezan.

4. Ale oso bat **bidaltzea** (teknikoa eta administratiboa), behar bezala diligentziaturik paper eta informatika euskarrietan, Euskal Erkidegoko Lurralde Antolaketa Batzordera, hain zuzen, honek artxibatu dezan.

5. Akordioa oso-osorik, planaren araudiarekin batera, **argitaratzea** Gipuzkoako Aldizkari Ofizialean. Era berean, erabakia lurraldean gehien saltzen den egunkari batean argitaratuko da.

5. Onestea Gipuzkoako Foru Aldundiaren eskaera, Gi 3672 errepidearen zati baten (Zamalbide auzotik Alduntzin auzora dioana, 1.350 k. paretik 2.335 k. parera) jabetza eskualdatzeko eta Zentolengo saihebidia eraikitzeke proiektuan aurreikusitako obra finantzatzeko. Onespen-proposamena.

Errenteriako Hiri-antolaketako Plan Orokorrak ezarritako determinazioen barruan aurreikusita dago Zentolengo 43 Areako oraingo errepidea lehengo hilerrian barrena egitea. Eta horretarako beharrezkoa da Perutxene-Sagasti 57 sektorean lehen aurreikusitako jarduera egitea.

Errenteriako HAPoren 3. Aldaketari dagokionez, Perutxene-Sagasti 57 sektorearen inguruan dokumentu berri bat egin da Perutxene-Sagasti 57 sektorea 2/2006 Legeak ezarritako gutxiengo eraikigarritasunari egokitzeke.



Era berean, Zentolen parean GI 3672 errepiderako aurreikusitako soluziobideari ekiteko xedez Gipuzkoako Foru Aldundiaren Errepide Azpiegituretako Sailarekin elkarrizketak izan dira. Hori horrela, departamendu hark *Errenteria eta Oiartzungo lurretan GI-3672 errepidearen Zentolengo Saihesbidea eraikitze*ko proiektua egin zuen. Proiektu hori bi administrazioen jarduna arautuko duen lankidetzeta-hitzarmen bat eginez garatuko da.

2007ko apirilaren 23an, udal arkitekto Enrique Pontek gaiari buruz aldeko txostena egin zuen.

2007ko maiatzaren 9an, idazkari nagusi Francisco Javier Lesca Ezpeleta jaunak berari zegokion txostena egin du.

Kontuan izan da ekainaren 6ko 1/2006 Foru Dekretuaren 11. artikulua, Gipuzkoako Errepide eta Bideen Foru Arauaren Berreginiko Testua onartzen duena, baita Toki Araubide Oinarrien Lege Arautzailearen 22.21 artikulua ere.

Hirigintza Batzordearen aldeko irizpena ikusitakoan.

Mintzatu dira:

* Oiarbide jaunak (EA) adierazi du proposamenarekin bat egiten badute ere, eta beraz, alde bozkaturiko dute, atentzioa eman die sortzen ari den udal izendegi berriak. Izan ere, berak dakien heinean, Errenteriako Udalean ez dute sekula akordiorik hartu Alduntzini "auzo" deitzeko. Horrela, orain artean kale, plaza eta auzoei izenak ipintzeko osoko bilkura bereziak egiten dituzte, eta proposamen-akordioa eta izen hori ikusi dutenean, harrituta geratu dira.

* Alkate jaunak (Socialistas Vascos-Euskal Sozialistak) erantzun du esanez kontu hori Hirigintza Batzordean aitatu zela, baina eurek ez dute, Foru Aldundiak GI 3673 errepide-zati horri deitu diona, jarri besterik egin. Izen hori bere horretan uzteko ez dagoela inolako asmorik, gaineratu du.

Mintzaldiak amaitutakoan.

Udalbatzak, aho batez,

E R A B A K I D U



1. **Adostasuna adieraztea** Errenteria eta Oiartzungo eremuetatik pasatzen den GI-3672 errepidean Zentolengo saihesbidea egiteko proiektuari, Asmatu, S.L.k idatzia eta Gipuzkoako Foru Aldundiaren Zuzendaritzak zuzendu eta ikuskatua.

2. **Eskatzea** Gipuzkoako Foru Aldundiaren Errepide-azpiegituretako Sailari **ondorengo errepide zatiaren eskualdaketa**:

- **GI-3672**, Alduntzin auzotik Zamalbidera doan errepidean, 1.350 km-tik 2.335 km-ra hain zuzen ere, hots, erantsirik doan planoan jasotzen den moduan.

3. **Proposatzea** Gipuzkoako Foru Aldundiari bi administrazioen arteko lankidetzeta-hitzarmena sina dezan, *Errenteria eta Oiartzungo eremuetan pasatzen den GI-3672 errepidean Zentolengo saihesbidea egiteko proiektuan* aurreikusitako obrak egiteko jarduera arautuko duena.

4. Alkatea **ahalmentzea** esku-aldaketa gauzatzeko sinatu beharreko agiriak sinatzeko.

5. Ondare horri **alta ematea** Udal Inbentarioan erabilera publikoko izaerarekin, era formalean jaso ondoren.

6. Gipuzkoako Foru Aldundiari eskatzea Gabierrotako biribilgune 37/02 E.U.an dagoen eraikina eta lurzoruaren atxikipenak kentzeko eta Errenteriako Udalari eskualdatzeko.

Errenteriako Hiri-antolaketako Plan Orokorrean ezarritako determinazioen arabera, Nafarroa etorbidea berregokitzeko asmoz aurreikusita dago Fanderiako 37 Arean sartuta dagoen 37/02 E.U. deituriko (Gabierrotako biribilgunea) eremuaren egungo egoerari irtenbidea aurkitzea. Eta horretarako 19. Areara (Papresa) trafikoa heltzeko biribilgunea egin nahi da.

Bere garaian eginiko eskaera dela medio, Diputatuen Kontseiluak 2000ko otsailaren 28an hartutako akordio bidez Errenteriako Udalari eskualdatu zitzaion N-leko ibilbide zati baten titularitatea, hain zuzen



466,600 kilometro puntutik 468,55 kilometro punturaino. Errepide honen ertzean dago errepideak zaintzeko eraikina (etxebizitzak dituen), zeina 37/02 E.U.ren barruan baitago.

Une honetan *Nafarroa etorbidea urbanizatzeko proiektuari (I. Faseko Gabierrotako gasolindegia-VII zatia)* dagozkion obrak egiten ari dira, eta gero egiteko utziko dira II. Fasea, 19. Areara (Papresa) heltzekoari dagozkionak.

Hori dela eta, 37/02 E.U.ren eremu osoa garatzeko eta 19. Areara (Papresa) ibilgailuak hel daitezen, beharrezkoa da Foru Aldundiak lehen aitatu eraikinaren atxikimendua kentzea eta berorren titularitatea (lurzoruarena zein eraikinena) Udalari eskualdatzea.

2007ko apirilaren 23an, udal arkitekto Enrique Pontek gaiaren aldeko txostena egin zuen.

2007ko maiatzaren 9an, udal lege-aholkulari Vicente Castiellak egin beharreko txosten juridikoa egin zuen.

Era berean, 2007ko maiatzaren 9an, udal idazkari Francisco Javier Lesca Ezpeleta jaunak Idazkaritzako txosten juridikoa egin zuen.

Kontuan hartu dira 1/2006 Foru Dekretua, ekainaren 6koa, Gipuzkoako Errepide eta Bideen Foru Arauaren Berreginiko Testua onartzen duena, hala nola Toki Araubide-oinarrien Lege Arautzailearen 22.21 artikulua.

Hirigintza batzordearen aldeko irizpena ikusi ondoren.

Mintzatu dira:

* Elias Maestro jaunak (EB) adierazi du eskaera Gipuzkoako Foru Aldundiari Bidezainen etxearen titularitatea kendu eta gero Errenteriako Udalari eskualdatzeko egiteko dela. Oraingoan, ez dute beste gairik aztertuko. Bere ustez, osoko bilkura honetako gaiekin eta lehenagokoekin, beldur da, Foru Aldundia gogaitzen ari ote diren. Hala ere, Gabierrotako biribilgunea egitekotan, derrigorrez eraitsi behar da Bidezainen etxea, nabarmendu du. Horrela, eztabaidatu behar duten gaia ez da etxeari zein irtenbide eman behar zaion -hori geroago, hurrengo Udalbatzak egin beharko baitu-, etxearen titularitatea kendu eta Errenteriako Udalari eskualdatzeko eskaera baizik. Bere ustez, biribilgunea egin behar da fabrikara heltzeko bide garrantzitsua hortik irtengo delako, eta gisa horretan kamioiek ez dutelako Matxaingo biribilgunean bueltarik emango -horrek sortzen dituen eragozpenekin- lantegira sartzeko eta irteteko. Jarraian, Errenteriako



Udala eta Papresaren artean eginiko lankidetzeta-hitzarmena erdi lotan dagoela esan du, izan ere, bertan jasotako baldintzetariko bat, udal teknikariak ondo aski zehazten duen bezala, Udalaren kudeaketa da, hots, egun Foru Aldundiarenak diren eraikin horien lurzoruaen titularitatea bereganatzea, gero etxea hustu ahal izateko. Gaineratu du, enpresak berak, zeinak hein handi batean obra hori finantzatu behar baitu, eragozpenak ikusten ditu denek sinaturiko hitzarmenean aurreikusitakoa bete ahal izateko. Beraz, bada, orain titularitate-aldaketa eskatzen da, eta hurrengo Udalbatzak erabakiko du egun etxe hori okupatzen duten jaunak botatzeko zer egin behar den, esan du.

* Peralta andreak (PP) adierazi duenez, eurek abstenitu egingo dira. Jakin badakite Aldundiari titularitate-aldaketa eskatu behar zaiola, baina horrek esan nahi du Udalak egin behar duela kargu etxe horretan bizi den jendez, eta ondorioz Errenteriako herriak diru dezente jarri beharko du. Era berean, badakite hurrengo Udalbatzak egin beharko diola aurre istorio honi. Bere ustez, herentzia mota hauek onartu edo ez dira onartzen, baina ziur dago Aldundiak inork nahi ez duen "zama" kenduko duela bere gainetik. Aldiz, Udalak diru dezente ordaindu beharko du. Zentzu horretan, ez dute ahaztu behar Udalaren utzikeriagatik, etxe-okupatzaile batzuk botatzeagatik, 80.000 € ordaindu behar izan zituztela, gero harrobi bat erosiz oso ongi inbertitu zituztenak. Gogorarazi du Errenteriako herri osoaren diruarekin lagundu ziotela jaun hauek ondare txiki baten jabe egin zitezten. Ez zaio gaizki iruditzen, baina uste du hori ez dutela Errenteriako herritarrek ordaindu behar. Bere irudiko Aldundiarekin hobeto negoziatu behar zen, izan ere, euren etxea bada, eurek, diru gehiago izanik, ordaindu beharko bailukete.

* Peña andreak (EAJ-PNV) adierazi du atxikipena kendu eta eskualdaketa egiteko eskaeraren alde bozkatuko dutela. Etxea hustea nola kudeatuko den gero ikusiko dute, une honetan Aldundiari egiten zaion eskaera bozkatuko dute. Gainera, Batzordean aitatu zen titularitatea beharrezkoa dela gero zerbait egin ahal izateko, eta Aldundiari horixe eskatuko diote. Bere ustez, Aldundiak ez du, lehengoaz gain, ordaindu ere egin behar.

* Oiarbide jaunak (EA) adierazi du hitz egiten ari diren eragiketarekin Udalak doan erdietsiko ditu hirigintza-aprobetxamendu batzuk dituen eraikina. Beste aukera Aldundiarekin adostasun batera iristea izango litzateke, eta hura arduratu zedin egun okupatzen dutenei kalte-ordainak ordaintzez. Alabaina, orduan eraikin horiek balio bat izango zuketen eta Udalak ordaindu beharko lituzke. Zentzu horretan, duela denbora asko ez dela Nafarroa etorbidean eraikinak baloratzeko modua izan dute, eta ziur



aski, oraingo eragiketa honekin Udala irabazian aterako da. Horregatik, proposamenaren alde bozkatuko dute.

* Merino alkate jaunak (Socialistas Vascos-Euskal Sozialistak) adierazi du gehiengoak onartu zuen, hirigintza-plangintzaren barruan, eraikin honek traba egiten zuela. Bere ustez, Papresara sarrera biribilgune horretatik eginez gero, saihestuko litzateke kamioien alferrikako joan-etorria. Eta nahiz eta oraingoz obrek puntu batean utzi beharko dituzten - behin-betikotasunez amaitzea ezinezkoa delako-, eraikin hau ordenaziotik kanpo denez, bota egin behar da. Eta jabea ez balitz Aldundia izango, desjabetu, kalte-ordainak ordaindu, erosi edo antzeko zerbait egin beharko litzateke, esan du. Jarraian, Aldundiari eskuzabalagoa izateko eta jabetza doan emateko eska zekiokela, gaineratu du, baita lehenik eraitsi dezan eta gero orubea eskatu ere. Haatik, ordea, Aldundiak "honaino iritsi gara" esan du. Orain, teorian, prest dago doan lagatzeko (ikusiko dute erantzun ofiziala nolakoa den). Gero kontuak egin beharko dituzte eta ikusi desjabetzea zenbat kostako den, eta doan jasotzeak zer nolako paga-beharrak dituen. Gaineratu du, orain Papresara sarrera egiteko etxe horrek desagertu behar duela, eta horretarako Udalaren jabetzakoa izan behar duela etxeak.

Mintzaldiak amaitutakoan.

Udalbatzak, gehiengoz, aldeko hemezortzi botorekin (Socialistas Vascos-Euskal Sozialistak, IU-EB, PNV,EA) eta bi abstentzioz (PP),

E R A B A K I D U

1. **Eskatzea** Gipuzkoako Foru Aldundiari Gabierrotako biribilgune 37/02 Esku-hartze Unitateko **lurzoru eta etxearen atxikipena kentzeko eta jabetza Errenterriako Udalari eskualdatzeko** ondorengo planoan azaltzen den mugen arabera.

2. Alkatea **ahalmentzea** esku-aldaketa gauzatzeko sinatu beharreko agiriak sinatzeko.

3. Ondare horri **alta ematea** Udal Inbentarioan erabilera publikoko izaerarekin, beti ere era formalean jaso ondoren.

7. Agustinetako garajeen (Markolako 38 sektorea) esleipen-arauak, epeak eta kontratu-eredua Udalak onar ditzan eskatzea.



Udalbatzak 2005eko azaroaren 25ean eginiko osoko bilkuran, besteak beste, erabaki zuen Txirrita Maleo udal sozietateari (egun Errenteria Garatuz, S.A.) agintzea bera arduratu zedin Agustinetako (38 sektorea: Markola) lurrazpiko aparkalekua kudeatzez, hau da, garajeak egin eta merkatura ateratzez.

Sozietate horretako Administrazio Kontseiluak onartu ditu garaje-plaza horien kontratu-ereduak, baita garaje-plaza horiek esleitzeko oinarriak eta funtzionamendu-arauak ere.

Lehendakaritza eta Barne-antolaketako batzordeak aldeko irizpena eman duela ikusi ondoren.

Mintzatu dira:

* Peña andreak (EAJ-PNV) adierazi du, batzordean egin zuten moduan, alde bozkatuko dutela inguru hartan bizi direnei inolako kalterik ez eragiteko. Alabaina, atentzioa eman die gauzak bere garaian ez egiteak, izan ere, orain esleipen-arauak osoko bilkurak onar ditzan ekarri dituzte, eta bien bitartean, esleipenak jada eginak daude.

* Merino alkate jaunak (Socialistas Vascos-Euskal Sozialistak) halaxe dela erantzun besterik ez dezake egin. Bere iritziz, presak direla-eta, duela aste zenbait Udaletxean garaje-plazen zozketa egin zuten. Hala ere, uste du, deskuidatuta ez bada, oraindik kontratuak ez direla sinatu, baina gauzen berri dakien udalbatzarkide batek baietz esan dionez, lehen esandakoa bertan behera uzten duela, esan du. Ez zekiela, gaineratu du. Zekiena zera zen: zozketa egin zela esleipena atzeratzeko asmoarekin.

Mintzaldiak amaitutakoan.

Udalbatzak, gehiengoz, aldeko hemezortzi botorekin (Socialistas Vascos-Eusko Sozialistak, IU-EB,PNV,EA) eta bi abstentzioz (PP),

E R A B A K I D U

1. **Onartzea** proposamen honekin doazen dokumentuak:

- *MARKOLA 38 SEKTOREKO LURRAZPIKO APARKALEKUAK ESLEITZEKO OINARRIAK.*
- ERRENTERRIAKO MARKOLA 38 SEKTOREKO APARKALEKUEN FUNTZIONAMENDU ARAUAK.
- ERRENTERRIAKO MARKOLA 38 SEKTOREKO APARKALEKUAN GARAJE PLAZA BAT ERABILTZEKO ESKUBIDEA LAGATZEKO KONTRATU EREDUA.



2. Erabaki hau Errenteria Garatuz, S.A. udal sozietateari **bidaltzea** bidezko ondorioetarako.

8. Belabaratz Udal Aterpetxearen funtzionamendu-arauak eta bertan eguna pasatzeko baldintza berriei hasierako onespena ematea.

1994ko urriaren 14an argitaratu zen Gipuzkoa Aldizkari Ofizialean Belabaratz Eskola-aterpetxeari buruzko Barne Funtzionamendu Araudia.

Urte hauetan hainbat aldaketa gertatu dira aterpetxearen kudeaketan, esate baterako, egun aterpearen kudeaketa Gazte Informazio Bulegoak egiten du.

Bestalde, araudia zenbait ataletan eguneratu behar zela ikusi zen, besteak beste, diziplina arauak, erreserba egiteko epeak, erreserba ezabatzeagatiko zigorrak, erabiltzaile-taldeen ezaugarriak, eta abar.

Araudi berri hau egiterakoan aipatu aldaketak eta 1994tik sortutako kasuistika kontutan izan dira.

Belabaratz udal aterpetxean eguna pasa ahal izateko arau berriak egin dira.

2007-03-14an Hezkuntza eta Gazteria batzordeak proposamenaren aldeko irizpena eman zuen.

Hezkuntza eta Gazteria teknikariak txostena egin zuen 2007ko martxoaren 23an.

Aholkulari juridikoak txostena egin zuen 2007ko apirilaren 19an.

Hezkuntza eta Gazteria batzordeburuaren proposamena ikusitakoan.

Udalbatzak, aho batez,

E R A B A K I D U

1. "Belabaratz udal aterpetxea baliatzeko baldintzak eta funtzionamendu arau" berriei **hasierako onespena ematea**. Arau horiek espedientean jasota daude.

2. Jendaurrean **jartzea** 30 egunez ordenantzaren testu osoa, beti ere Gipuzkoako Aldizkari Ofizialean eta lurraldean gehien saltzen den egunkari



batean argitara eman ondoren. Era berean, Udalaren iragarki-oholean argitara emango da. Epe horretan jendeak erreklamazio eta iradokizunak egin ahal izango ditu, zeinak Udaltzako ebatziko baititu, eta inork ez balu egingo, berriz, ordura arte behin behinekoa izandako akordioa behin-betikoa bihurtuko litzateke.

9. Tele-laguntza zerbitzuaren udal araudiaren onespena.

2007ko martxoaren 30ean, Errenteriako Udalak, Udaltzako hartutako akordio bidez, Gipuzkoako Foru Aldundiari tele-laguntza zerbitzuaren kudeaketa-lanen esleipena gauzatzeko hitzarmena onartu zuen, eta ondoren sinatu.

Adierazitako hitzarmenean zera agintzen zen: Errenteriako Udalak, tele-laguntza zerbitzuaren udal erregelamendua onartzeko konpromisoa hartzen zuela dokumentu hori sinatzen zenetik sei hilabete baino gutxiagoko epean.

Hirugarren adineko koordinatzaile Izaskun Aizpuruak gai honi buruz 2007ko maiatzaren 7an eginiko txostena ikusi dute.

Halaber, aholkulari juridikoak, 2007ko maiatzaren 7an, eginikoa.

Eta Gizarte Zerbitzu batzordeak aldeko irizpena eman duela ikusitakoan.

Udaltzako, aho batez,

E R A B A K I D U

1. Hasierako onespena ematea tele-laguntza zerbitzua arautzeko udal araudiari.

2. Jendaurrean jartzea gutxienez hogeita hamar eguneko epean, hain zuzen jendeak erreklamazioak eta iradokizunak, nahi izanez gero, egin ditzan.

3. Udaltzako, epearen barruan, egin erreklamazio eta iradokizun guztiak ebatziko ditu, eta ondoren, behin-betikotasunez onartuko. Aipatu epean inork ez balu erreklamazio edo iradokizunik egingo, ordura arte behin behinekoa izandako akordioa behin-betikoa bihurtuko litzateke.

4. Araudia Gipuzkoako Lurralde Historikoko Aldizkari Ofizialean argitaratzea eta indarrean hasiko da onartzeko akordioa Estatuaren

ERRENTERRIAKO UDALA



AYUNTAMIENTO DE ERRENTERRIA

Administrazioan eta Autonomia Erkidegoko Administrazioan sartzen denetik kontatzen hasita hamabost eguneko epean.

Eta aztertu beharreko gai gehiagorik ez zegoenez, Alkateak bilkura amaitutzat eman du egun bereko 09:30 zirela. Eta aztertutakoa eta erabakitakoa jasota gera dadin Akta hau egin dut Erkidego Autonomoko paper ofizialean, _____zenbakitik _____ra, eta nirekin batera Alkateak sinatu du. Egiaztatzen dut.